

Pagsasao a Danau

Ti **pagsasao a Danau** (Danaw) ket ti maysa pagsasao a Mon–Khmer ti Myanmar (Burma). Daytoy ti kaaduan a managbaliw a kameng tisanga a Palaungiko (Sidwell 2010). Ti Danau ket insasao babaen dagiti agarup a 1,000 a tattao iti asideg ti Aungban, Kalaw Township, estado ti Shan.^[1] Ti Danau /də̀nɔ/ ket Birmano a pannakaibaliaks ti etnonimo; baliksen met dagiti Danau ti grupo ti etnikoda ken ti pagsasao a kas /tʰə̀nɔʔ/. Ti maysa maawat a karuay ket /kə̀nɔʔ/. Ti Danau ket maysa paaweng a pagsasao nga agraman kadagiti uppat nga aweng.^[3]

Ti Danau ket dagiti bassit laeng nga ammo a grupo ti etniko idia Myanmar, ken iti pay asideg nga ili ti Aungban, daytoy ket kadawyan nga allilawen dagiti tattao daytoy a grupo iti lokal a kaaduan a Danu. Segun kadagiti historikala a pannakaibagbaga, dagiti Danu ket nagserbida a kas dagiti pumapana para kenni Ari Alaungpaya, nga isu ti nagpundar iti Dinastia a Konbaung idi maika-18 a siglo. Nagtaeng dagiti Danu iti rehion ti Pindaya kalpasan idi nagsublida kadagiti gubat idia Tailandia,^[4] kenagsaoda iti karuay ti Birmano a naiduma babaen ti bassit a pagiddiaten iti panangibalikas. Iti sabali met dagiti Danau ket agsasaoda iti kompleto a sabali a pagsasao nga Austro asitiko, nga addaan kadagiti nadumaduma a binuloda abalikas manipud iti Birmano (ken kanungpala pay a manipud iti Pali babaen ti Birmano).

Kangruaan a nagtataeng dagiti Danau kadagitipurok ti Taungbohla, Thaethit, Htinyugon, Chaunggya ken Naung In, iti asideg a distansia kadagiti ili ti Aungban ken Heho. Gapu ta dagitoy apurok ket napalikmutan babaen dagiti purok ti Pa'O, makasao kmet dagiti tattao a Danau iti Pa'O ken makasaoda pay iti Birmano. Uray no bassit laeng ti bilang ti populasion dagiti agsasao iti Danau, nabiag ti pagsasao ket naisursuro daytoy kadagiti ubbing. Ti agdama a kasasaad ket maigiddiat iti padto nga inbaga baban ti linguista a ni Gordon H. Luce idi 1965, nga idi ket tinawtawaganna ti Danau a kas 'matmatayen' a pagsasao.^[5]

Dagiti nagibasaran

- Danau (<https://www.ethnologue.com/18/language/dnu/>) iti *Ethnologue* (Maika nga ed., 2015)
- Hammarström, Harald; Forkel, Robert; Haspelmath, Martin, dagiti ed. (2017). "Danau" (<http://glottolog.org/resource/languoid/id/dana1252>). *Glottolog 3.0* (iti Ingles). Jena, Alemaniam: Instituto para iti Ebolusionario nga Antropolohia ni Max Planck.
- Si, Aung (2014) Danau. In: *The Handbook of Austroasiatic Languages*. M. Jenny & P. Sidwell (eds.). pp. 1104–1141. Brill, Leiden.
- <http://asiaharvest.org/wp-content/themes/asia/docs/people-groups/Myanmar/Danau.pdf>
- Luce, Gordon (1965). "Danaw, a dying Austroasiatic language". *Lingua*. **14**: 98–129. doi:[10.1016/0024-3841\(65\)90038-0](https://doi.org/10.1016/0024-3841(65)90038-0) (<https://doi.org/10.1016%2F0024-3841%2865%2990038-0>).

	Danau
	Khano
Patubo iti	Myanmar
Etnisidad	5,000 (2000) ^[1]
Patubo a mangisasao	1,000 (2000) ^[1]
Pamilia	Austroasiatiko <div>▪ Palaungiko<div>▪ Danau</div></div>
Kodkodigo ti pagsasao	
ISO 639-3	dnu
Glottolog	dana1252 (http://glottolog.org/resource/languoid/id/dana1252) ^[2]

Adu pay a mabasasa

- Ti preliminariong a dokumentasyon ti Danau, ti maysa naisagmak a pagsasao ti Myanmar (Burma) (<http://www.hrelp.org/grants/projects/index.php?lang=264>)
- Aung Si. 2014. Documentation of Danau, an endangered language of Myanmar (Burma) (<http://elar.soas.ac.uk/deposit/0321>). Arkibo dagiti Naisagmak a Pagsasao.
- Aung Si. 2014. Documenting Bird Names in Danaw (<http://jseals.org/seals24/si2014documenting.pdf>). Presentasion ti komperensia, SEALS 24.

Dagiti akinruar a silpo

- Arkibo ti ELAR iti Dokumentasyon ti Danau (<http://elar.soas.ac.uk/deposit/0321>)
-

Naala manipud iti "https://ilo.wikipedia.org/w/index.php?title=Pagsasao_a_Danau&oldid=328403"

Daytoy a panid ket naudi a naurnos idi 24 Septiembre 2018, 17:45.

Ti teksto ket magun-od babaen ti Lisensia ti Creative Commons Attribution-ShareAlike; dagiti mainayon a termino ket mabalin pay a maipakat. Kitaen dagiti Termino ti Panagusar para kadagiti salaysay.